

開混沌探蹟太虛則大象可執鴻濛可造矣

將欲歛之章第三十六

將欲歛之必固張之將欲弱之必固強之將欲廢之必固興之將欲奪之必固與之是謂微明柔弱勝剛強魚不可脫於淵國之利器不可以示人

見其固張便知將歛見其示強便知其弱見其固興便知將廢見其固與便知將奪此兵法虛實之理權謀徂詐之術也其機雖隱微而其理亦甚明故曰是謂微明也柔弱者無爭雖有強暴莫能加之故曰柔弱勝剛強也夫魚不可脫於淵出於陸則死利器不可以示人墮其機則敗利器者謂權謀

道藏輯要

道德上經釋辭

三

心集九

智力之術以勝人也懷勝人之心者則人亦懷勝心以應之其必敗故曰利器不可以示人也此言人以智謀求勝而天下之智謀者眾矣其或測其機以應之則有必敗之患也是故任智謀而背道如魚之脫水則死利器示人則敗也若以道而示人人亦以道而應之我以柔弱而不爭雖有剛強亦不能加之於我如魚之不離水不以利器示人也先儒謂權謀狙詐之學皆原於此蘇張申韓皆其流此言誤矣豈不知老子之道以仁義聖智而猶病之權詐肯爲乎其不待辯亦已明矣如言柔弱勝剛強利器不可以示人者極言不可用之之意然此經辭義含蓄多喻譬之言學者切不可辭害

意而作真實之語則有堅白異同之差矣

道常無爲章第三十七

道常無爲而無不爲侯王若能守萬物將自化化而欲作吾將
鎮之以無名之樸無名之樸亦將不欲不欲以靜天下將自正
道法自然故常無爲無爲者道之常也或曰然則春生秋殺
豈非爲乎曰物之生也時至氣聚不得不生物之死也時至
氣散不得不死皆自然而然大道何常爲之有或問聖人之
無爲曰無爲者無心爲而爲也程明道云順理卽無爲然非
塊然不接人事如土木偶人召之不來麾之不去拱拳踴躍
爲無爲哉殊不知聖人之心如明鏡止水物至則照物去則
空事物之來一切循乎自然順其理而應之以輔萬物之自
然雖有爲猶無爲故曰無爲而無不爲也侯王若能法而守
之無欲以養心順理以應事因時制宜不逆民物久而勿失
天下臣民自然感化故曰萬物將自化也間或有妄心起情
欲生直以理而治之使則復靜靜則妄盡心空自然無欲無
欲則無事矣無事無爲而民自安國自治天下自正矣

道藏輯要

道德上

經釋辭

三

心集九
七〇上